

Dobrodošli na homepage institucije Frauenberatung.EN! (Savjetovanje žena)

Frauenberatung.EN savjetuje i podstiče unatrag više od 20 godina žene svake nacionalnosti i vjeroispovjesti. Mi nudimo savjetovanje i informacije za žene u krizama, teškim životnim situacijama, kod nasilja, problema odnosa kao i kod razdvajanja i razvoda.

Savjetovanje o temi nasilje

Svugdje na svijetu žene doživljavaju nasilje. Žene doživljavaju nasilje u porodici, od partnera ili stranih osoba. Nasilje protiv žena je povreda ljudskih prava i u Njemačkoj je kažnjivo!

Sve ovo je nasilje:

Tjelesno nasilje je, ako Vas:

- neko tuče, udara nogama, davi ili poguruje
- neko povrijedi oružjem ili nekim predmetom
- neko primora na žensko obrezivanje (Female Genital Mutilation)

Seksualno nasilje je, ako:

- ste silovani / primorani na seks
- je neko prema Vama seksualno nasrtljiv (dodiruje Vas protiv Vaše volje)
- Vas neko primorava na prostituciju

Duševno nasilje je, ako:

- Vas neko vrijeđa, psuje, ili se na Vas izderava
- Vas neko kontroliše i stalno posmatra
- ne smijete ništa slobodno odlučivati (na pr. izaći iz kuće)
- Vam neko prijeti (na pr. da ćete kod razdvajanja: biti ubijeni, izgubiti dozvolu za boravak, da će Vam djeca biti oduzeta)
- se morate udavati protiv svoje volje

Nasilje dovodi do bolesti. Mnoge žene ne govore o svojim doživljajima: one se boje i stide. Nemojte ostajati sami sa svojim doživljajima! Ugovorite termin u instituciji Frauenberatung.EN . Ovdje možete razgovarati o brigama i strahu. Mi Vas informišemo o Vašim pravima i kako se dalje možete zaštititi od nasilja. U instituciji Frauenberatung rade samo žene. Saradnice podležu obavezi šutanja, to znači da sa nama možete govoriti o svemu, mi o tome ne govorimo dalje! Savjetovanje je besplatno.

Put ka instituciji Frauenberatung.EN:

Nazovite nas ili nam pošaljite e-mail da bi ste ugovorili termin. Ako malo govorite ili ne govorite Njemački ili Engleski dajte nekog nazvati, kome se možete povjeriti.

Savjetnica će onda tražiti ženu tumača, koja će prevoditi razgovor.

Institucija Frauenberatung.EN ima 3 lokacije:

58332 Schwelm
Markgrafenstr.6
02336 – 4759091

58452 Witten
Augustastr.47
02302 – 52596

45525 Hattingen
Talstr. 8
02324 - 594005

E-Mail: info@frauenberatung-en.de

Pomoć u hitnom slučaju

Pribavite pomoć! Obratite se nekoj osobi u koju imate povjerenje, na pr. socijalnu radnicu, nastojnika, susedku,...

Ako ste u opasnosti i ako Vam je pomoć odmah neophodna možete nazvati i policiju: **telefon 110**
Policija se može na pr. starati, da Vaš muž/partner za 10 dana mora napustiti stan/smještaj za izbjeglice.

Frauenhaus (Ženska kuća)

Ako želite, policija Vas može dovesti u žensku kuću. Ženske kuće su specijalna utočišta za žene i njihovu djecu kojima je potrebna zaštita. Tamo rade i žive samo žene. Adresa je tajna.

Vi možete također i sami nazvati žensku kuću u mjestu: 02339 - 6292

Preko telefona će Vam biti objašnjeno kako biste mogli doći u žensku kuću.

Informišite se o daljim ženskim kućama: www.frauen-info-netz.de

Vaše pravo kod nasilja

Nezavisno od porijekla i statusa boravka žene imaju pravo u Njemačkoj podnijeti zahtjev na osnovu zakona o zaštiti od nasilja (§ 1, §2 GewSchG). Sud može zabraniti Vašem mužu /partneru na pr.:

- da se vrati u stan
- da Vam se približuje
- da stupi s Vama kontakt preko telefona, SMS-a, WhatsApp-a, itd.

Institucija Frauenberatung.EN može Vas savjetovati u tom pogledu.

Dalje pravne informacije:

<http://www.gewaltschutz.info/index.php?lang=sr>



Postoji „Hilfetelefon“ (telefon za pomoć) za žene koje doživljuju nasilje. Tamo dobijate informacije preko telefona. Savjetnice mogu za to pridodati ženu tumača koja govori Srpskohrvatski. Ovaj broj se može dobiti preko dana i preko noći!